

陆九渊诗文辑补

束景南

陆九渊主张发明本心，不立文字，所作诗文书札多有散佚，生平重要行事遂多湮没无闻。1980年中华书局整理出版《陆九渊集》，校勘精当，惜未能加辑佚。兹就余所见陆九渊亡佚诗文，辑考如下。

与僧净璋

自从相见白云间，离别尝多会聚难。
两度逢迎当汝水，数年隔阔是曹山。
客来濯足傍僧怪，病不烹茶侍者闲。
不但故人寻旧隐，只应终日闭禅关。

上诗见《瀛奎律髓》卷四十七《释梵类》。观其诗似是早年之作。陆氏早年出入佛禅，于此可得一证。

应天山

我家应天山，山高数百丈。上开园池美，林壑千万状。山西有龙虎，烟霞耿相闻。寒泉漾微波，暖翠团层障。天光入行舟，野色随支杖。吾党二三子，幽赏穷清旷。引兴谷云边，题名岩石上。碧桃吹晓笙，元鹤惊春帐。一笑咏而归，千载应可尚。

上诗见《古今图书集成·方輿汇编·山川典》第一百四十七《象山部》。陆九渊于淳熙十五年始入象山（应天山），建精舍

讲学。此诗作在是年以后。

环翠台

直从平地矗崔嵬，南向群山斗次来。
尽此半春留客醉，莫愁一日不花开。
水从绿野前头绕，竹向芳菲缺处栽。
目送断鸿天外去，问他更是几时回。

上诗见《永乐大典》卷二千六百零四。环翠台疑在象山，《陆九渊集》卷九《与王谦仲》书一述象山有云：“此山大势南来，折而东，又折而南。……九峰联络如屏，名曰‘翠屏’……南望群山益远，溪谷原野毕露……”与此诗略同。疑诗于淳熙十四年登象山后作。

致梭山书

八月廿四日九渊拜覆六九哥居士座前：即日秋气澄肃，伏惟尊候动履万福。望之辈来，得尊翰，见所与元晦书稿，甚平正。同官沈正卿见之，不能去手，嘉叹至于再三。其辞望之知之。百十五之亡，可痛可骇，然其疾既已如此，则生全之理难矣。改葬之事，姑缓可也。要之亦未必在此，诸事望之辈必能具言之。立嗣一事，已与望之辈论定，当能禀也。拜复不备。九渊拜复六九哥居士座前。

又致梭山书

九渊拜复六九哥座前：即日季春和畅，伏惟尊候起居万福。九渊每思去年六九哥泛舟之兴，可惜不遂，此番能乘兴一行，甚善。向时闻有拉五九哥同游名山之言，心甚奇之，今可遂此行矣。恐家事要人管领，宁留百一哥，若处之有条，又六二哥势必不出，则虽使俱行可也。此间士大夫皆一

体人物，其势必藏于草野市肆者，拘于官守应接，无缘搜访。若得长上从容其闻，闻见自不止今日，不胜大愿。见有一二人，知前此湖广寇盗本末曲折之详者，在此以袞袞不暇咨问之，若遂此行，则至时其人犹未去，亦可相聚也。今时惟妇女小儿不宜在外，若丈夫有意斯世，则于世不无补也。偶脏毒作，倦甚。拜复不备。三月五日九渊拜复六九哥座前。

以上二书见《宝真斋法书赞》卷二十七。六九哥者，即梭山陆九韶（子美）。书一所云“与元晦书稿”，即指论太极书札。朱熹与陆氏兄弟之太极论战始于何时向来不明，众说纷纭，钱穆《朱子新学案》甚至认为在淳熙八年闰三月朱熹去南康以前。今据此书一可确考太极论战开始之年。按此书中所言沈正卿即沈清臣，与陆九渊同为敕令所删定官，故称“同官”。沈于淳熙十五年改除国子监丞，次年改除秘书丞，见《宋史全文》、陆心源《仪顾堂集》卷十三《沈清臣传》，则沈任删定官当在淳熙十二年至十四年间，而陆九渊任删定官则在淳熙十年冬至十二年十月间，故此书一当作于淳熙十二年至十三年间。据《陆九渊集》卷七《与包显道》书一云：“前次朱绎之归时，正以暨姪物故，方治棺敛，不暇作书。此子盗汗之疾，日深一日，易医更药，或暂有小效，旋又复作，而前药辄不效……先兄不五十而弃世，此子又复天逝……近主上因进拟监司，谕宰执以为当得刚正有风采者，因言章颖、刘尧夫皆好……某对班在九月、十月之间……”此书言暨姪之亡与此致梭山书一所云“百十五”同，应指一人。所谓“近主上因进拟监司”，即《续资治通鉴》卷一百五十所云：“淳熙十二年二月丁卯，帝语王淮等曰：‘……天下全赖良监司，若得良监司，则守令皆善’。……帝曰：‘先择监司为要，若郡守亦当选择。卿等今后除授监司须留意……’”又据《朱子语类·姓氏》，淳熙十二年包显道正在朱熹处问学，故陆九渊信中有托其向朱熹致意之语。由此可知此书一当作在淳熙十二年八月廿四日。是年陆梭

山应诏赴临安途经崇安访朱熹面论，是为太极论战之始。

书二言及“胡广寇盗”，应是在荆门军任上时。陆九渊绍熙二年九月至荆门军，三年十二月卒，故此书当作于绍熙三年三月五日。

兰亭序跋

余尝从王顺伯求观其所藏《兰亭》，二本相类而差肥。一本瘦劲，尤延之谓瘦者乃真武定本；而顺伯则主肥者。二公皆好古博雅，所辨古刻之真伪，皆为后辈所推。今不同如此，孰能决之。此本乃类其瘦者，顺伯既著语矣，盍就延之而正焉，以究其说。陆九渊。

上序见《兰亭考》卷六。王顺伯名厚之，金石碑帖所藏甚富，有《金石录》三十卷，《考异》四卷，《考古印章》四卷。全祖望《答临川杂问》以为“宋人言金石之学者，欧、刘、赵、洪四家而外，首数顺伯”。按《兰亭考》卷六中有王顺伯序，论《兰亭》肥瘦，作于淳熙五年；又卷七中有尤延之跋顺伯藏本《兰亭》，作于淳熙四年。陆九渊序《兰亭》当在淳熙五年以后。王顺伯为诸暨人，而居于会稽，朱熹淳熙九年在浙东会稽多为顺伯所藏帖作跋，其文集卷八十二《题兰亭叙》云：“淳熙壬寅（九年）上巳，饮褰会稽郡治之西园，归，玩顺伯所藏《兰亭叙》二轴……览诸人跋语……”此所云“二轴”即陆九渊跋中所云“二本”。陆九渊得跋此二本，当亦在会稽。按陆九渊年谱，淳熙九年陆九渊除国子正，初秋赴国学入都。则当是此年七月陆九渊赴临安时途经会稽，得见王顺伯而跋其《兰亭序》。

作者工作单位：苏州大学中文系